

LO JAN DE PEIRAHÒRTA

Lo Jan de Peirahòrta, dondèna,
Lo Jan de Peirahòrta, dondè,
S'ei maridat augan, dondèna,
S'ei maridat augan, dondè.

Qu'aimava la Maria, dondena,
Qu'aimava la Maria, dondè,
La hilha deu Bertan, dondèna,
La hilha deu Bertan, dondè.

L'avè vista a la hera, ...
A la hera d'Estanh. ...

"Que hès ací gojata, ...
A la hera d'Estanh ? ...

- Vieni cromptà'm ua pelha, ...
E dètz pams de ruban. ...

Entà'm botar beròja ...
Quan agi un galant. ...

- Beròja, b'ès tu bèra ! ...
Si'm volès per galant. ...

- Tan plan tu com un aute, ...
Porvu que'm dèsses pan.

- Pan, bé n'auras de rèstas ...
Quan seré de pan blanc. ...

- Qu'aimi hòrt lo hromatge ...

E los porets autant. ...

- Que't harèi bona vita, ...

Dab carn de Carnaval. ...

Hèm anar las anonças ...

A partir de doman". ...

Quan caló har la noça, ...

N'i avó ni carn, ni pan. ...

Tan plan s'ei maridada, dondèna,

Tan plan s'ei maridada, dondè,

La hilha deu Bertan, dondèna,

La hilha deu Bertan,dondè.